

Minnisblað

Viðtakandi: Verkefnahópur sveitarfélagsins Suðurland

Sendandi: Starfshópur um menningu, frístundir og lýðheilsu

Efni: Svör við lykilspurningum og niðurstöðum SVÓT greiningar á framtíðarmöguleikum málaflokksins innan sveitarfélagsins Suðurlands.

Starfshópur um fræðslumál og félagsþjónustu

Almennt

Eftirtaldir skipuðu starfshópin:

Ásahreppur: Brynja Jóna Jónasdóttir og Eydís Hrönn Tómasdóttir.

Rangárþing Ytra: Eiríkur Vilhelm Sigurðarson og Þórhallur Svavarsson

Rangárþing Eystra: Lilja Einarsdóttir, Árný Lára Karvelsdóttir og Ólafur Örn Oddsson.

Mýrdalshreppur: Sunna Wíium Gísladóttir og Vala Hauksdóttir

Skaftárhreppur: Fanney Ólöf Lárusdóttir og Gunnar Erlendsson

Starfshópurinn fundaði þrisvar sinnum, 26. ágúst, 2. September og 11. september. Notast var við ZOOM sem fjarfundabúnað og reyndist það vel.

Hlutverk starfshópsins

Markmið starfshópanna er að vera verkefnishópi Sveitarfélagsins Suðurlands til ráðgjafar og veita upplýsingar fyrir mat á stöðu málaflokksins og mögulega sýn til framtíðar í sameinuðu sveitarfélagi. Starfshópnum er einnig ætlað að greina styrkleika og veikleika í viðkomandi málaflokki og þær ógnanir og tækifæri sem felast í mögulegri sameiningu.

Núverandi staða:

Stjórnskipulag menningar-, íþróttá- og tómstundamála er mjög svipuð í öllum sveitarfélögunum fimm. Sveitarfélögin hafa gert samninga við íþróttafélög og veita aðstöðu án endurgjalda til barna- og unglíngastarfs. Sveitarfélögin sjá um tómstundamálin þ.e. félagsmiðstöðvar.

Öll sveitarfélögin eru með einhverjar stefnumótanir eða áætlanir tengdar málaflokknum. Rangárþing eystra og Rangárþing ytra eru t.d. nýlega orðin Heilsueflandi Samfélög. Flestir skólar í sveitarfélögunum eru Grænfána skólar eða með álíka stefnumörkun. Ekkert sveitarfélaganna hefur markað sér stefnumótun í menningarmálum.

Í öllum sveitarfélögunum eru reknar félagsmiðstöðvar (Sameiginleg RY og Á). Þar fer fram forvarnarstarf.

Í öllum sveitarfélögunum er virkt menningar-, íþrótt- og tómstundastarf fyrir alla aldurshópa. Sjá yfirlit í meðf. skjali.

Yfirlit yfir íþróttamannvirki og menningarstofnanir, þ.á.m. félagheimili er að sjá í meðf. skjali.

Yfirlit yfir menningar-, íþrótt- og tómstundafélög og beinn stuðningur sveitarfélaganna við þau er að finna í meðf. skjali.

Yfirlit yfir árlega menningarviðburði og aðkoma sveitarfélaganna að þeim er að finna í meðf. skjali.

Í Rangárþingi eystra er auka ferð heim kl. 17:00 fyrir börn sem vilja nýta frístundir og félagsstarf. Í Skaftárhreppi eru greiddir frístundastyrkir. Í öðrum sveitarfélögum eru hvorki frístundastyrkir né auka ferð eftir að reglulegum skóladegi lýkur.

Framtíðaráskoranir í málaflokknum

Mikið var rætt um að það væri gríðarleg áskorun að bjóða öllum íbúum sameiginlegs sveitarfélags uppá sambærilega þjónustu vegna fjarlægða.

Með sameinuðu sveitarfélagi eru möguleikar á aukinni sérhæfingu einstakra starfsmanna sem í dag eru að sinna mörgum sviðum. T.d. á sviði íþróttá þá gæti verið einn yfirmaður íþrótt- og æskulýðssviðs sem hefði það hlutverk að tryggja þjónustu á því sviði fyrir alla íbúa sveitarfélagsins.

Tækniframfarir auðvelda sameiningu þar sem fjarfundir gera vegalengdir að engu líkt og vinna við undirbúning sameinaðs sveitarfélags hefur sannað.

Ekki var mikið rætt beint um framtíðarsýn sameinaðs sveitarfélags en hópurinn var þó sammála um að við ættum að standa sterkara að vígi með sameiningu vegna aukinna tækifæra á sérhæfingu starfa. Sameining myndi ekki þýða mikla breytingu í málaflokknum fyrir sveitarfélögin Rangárþing eystra, Rangárþing ytra og Ásahrepp en fyrir Mýrdals- og Skaftárhrepp þá ætti þjónustan að aukast til muna og meiri möguleikar á sérfræðimenntun inn á svæðið.

Hvað þarf að varast ?

Mikilvægt er að varast mikla fækkun starfa vegna mögulegrar hagræðingar. Hópurinn sá frekar fyrir sér að hægt væri að bjóða uppá sérhæfðari starfsmenn þar sem þeir hefðu orðið stærra hlutverk, þurfa að sinna stærra svæði.

Dreifa þarf stjórnunarstörfum um svæðið þar sem hætta er á mikilli miðstýringu sem getur valdið óánægju. Með miðstýringu gæti orðið minni skilningur á staðbundnum málefnum.

Hvað viljum við alls ekki missa ?

Enginn vill missa neitt. Verkefni sem eru mikilvæg nærsamfélögunum eru fyrst og fremst félagastarfssemi allskonar s.s. félagsskapur eldri borgara. Ekki var talin hætta á að nein breyting verði á þeirra högum komi til sameiningar. Mikilvægt er að menningararfleið svæðanna njóti sín svo sérstaða hvers svæðis fyrir sig glatist ekki.

Einnig var rætt um að marka verði stefnu um nýtingu og rekstur félagsheimila.